

葉一片煎至五分去滓溫服量大小加減與之
二黃犀角散

治小兒身體溫壯心神不安大腑秘熱

犀角屑

大黃

酒浸蒸

釣藤

梔子仁

甘草

黃芩

各半兩

右為末每服半錢量大小加減熱湯調下

牛黃散

治小兒溫壯身體常熱不止

牛黃

研

甘草

各半錢

柴胡

去苗

梔子

龍膽草

黃芩

各二錢半



右為末每服半錢以金銀湯調無時服

地骨皮散

方見五十七問

黃龍湯

治傷寒身熱不退

柴胡 五錢

黃芩

甘草 各二錢

赤芍藥 三錢

右判散每服二錢薑一片棗子半箇水一盞煎

至五分去滓服不拘時

牛黃膏

治小兒天吊急驚風手足搖擗面唇紅赤喉咽

痰響渾身頭額壯熱喚問不知不醒人事或只

左手左脚偏搐或只右手右脚偏搐或只唇口

眼鼻顫搐此疾多則腹肚緊脹熱極則胃膈久

積驚涎忽被風邪所觸故作是候也此患大忌

不得針灸若針灸則誤矣凡中此疾須辨認有

前項形證宜急服此

蝎尾

四十枚

巴豆

去殼一錢半不去油

梅花腦

半字

辰砂

研二錢

鬱金

三錢以皂角水煮過

牛黃

少許

麝香

一字

右六味為末每遇小兒中前項形證周歲半字

三為末再服半錢以食良易調無時忌

三四歲一字仍觀孩兒身體肥瘦臟腑虛實及病勢輕重則加藥用蜜熟水一二分調勻灌下或薄苛湯亦可服藥後良久壓下痰涎疎去風氣當宣瀉兩三行其瀉出如鷄子白是應效或膏膈痰涎壅盛痞滿服此藥當吐風痰亦為美也下藥後或吐或瀉手足搐搦稍定喉咽不響頭額腹肚漸涼眼目不到記得人事面紅赤色但時時有少溫壯驚潮風熱未退便續下保壽散三兩服金粉散一二服早晨更可下均氣補虛進乳哺白朮散一日早晨與一服或服此數件藥後或只覺得腹肚至夜微熱不進乳食宜空心與進一服寬熱散微微通去腹中餘熱風涎或有是疾服藥稍退忌兩日不可見風一方加粉霜二錢名硃砂膏

羚羊角湯

治諸驚壯熱

羚羊角

蟬蛻

茯神

去木

麥門冬

柴胡

地骨皮

各一錢

黃芩

甘草

炒各半錢

右剉散每服二錢薑棗煎服

梔子仁湯

治陽毒傷寒壯熱百節疼痛下後熱不退者

梔子仁 赤芍藥 大青

知母 各一兩 川升麻 菁岑

石膏 各二兩 柴胡 一兩半 甘草 半兩

杏仁 二兩去皮尖雙仁麩炒微黃

右剉散每服三錢水一盞生薑三片煎六分去

滓不拘時溫服

大連翹飲 方見第三問

六物菁岑湯

治小兒天行壯熱少小腹大短氣熱有進退飲

食不化

菁岑 大青 甘草

麥門冬 去心 石膏 各半兩 肉桂 三錢

右剉散每服三錢白水煎去滓溫服

五物人參飲

治天行壯熱咳嗽心脹滿

人參 甘草 各半兩 麥門冬 去心

生地黃 各一兩半 茅根 半握

右剉散每服三錢白水煎服

龍膽湯

方見第三問

紫霜圓

同上

第五十九問黃疸

仲陽云身痛背髀強大小便澀一身皆黃面目爪甲皆黃小便如屋塵汁色著物皆黃褐者難治此黃疸也別有一證生下百日及半年不因病後身微黃者胃熱也大人亦同又有面黃腹大食吐渴者脾疳也又有初生而身黃者胎疸也諸疸皆熱色深黃者是也若淡黃兼白者胃怯不和也茵陳湯梔子檠皮湯犀角散連翹赤小豆湯主之通治黃疸茵陳五苓散

尤為穩也又有脾弱痿黃小便清者治以溫劑當歸散當歸圓主之小半夏湯亦可用也

茵陳湯

治陽明病發熱汗出者此為熱越不能發黃也但頭汗出身無汗齊頸而還小便不利渴飲水漿者此為痰熱在裏身必發黃傷寒七八日身黃如橘色小便不利腹微滿者

茵陳蒿

嫩者一兩大黃 三錢半

梔子

大者三枚

右剉散以水一大盞先煎茵陳減半次內二味煎八分去滓溫服日三服小便當利如臯角汁

狀色正赤一宿腹減黃從小便中去也量大小加減

梔子檉皮湯

治傷寒身黃發熱

梔子八枚

黃檉一兩

甘草半兩

右剉散每服二錢水一盞煎六分去滓溫服

犀角散

治小兒黃疸一身盡黃

犀角一兩

茵陳

乾葛

升麻

龍膽草

生地黃各半兩

寒水石七錢半

右剉散白水煎一方治小兒忽發黃面目皮肉

須盡黃乾葛根汁和蜜服

連翹赤小豆湯

治小兒傷寒發黃身熱

麻黃去節

連翹

甘草

生薑

赤小豆

生梓白皮各二兩

杏仁四十箇

大棗十二箇

右剉散白水煎又一方生小麥苗搗汁服之立

効

茵陳五苓散

右五苓散加茵陳湯十分五苓散五分

右二件拌勻每服一錢溫水調下日三服

當歸散

治小兒夜啼者臟寒而腹痛也面青手冷不吮

乳是也宜此方用

甘草 炙

桔梗

陳皮

當歸 各一錢

右為末水煎半盞時少與服又有熱痛亦啼叫不止夜發面赤唇焦小便赤與三黃圓人參湯

下

當歸圓

治小兒冷熱不調大便青黃心腹多痛或腹中

氣滿或時嘔逆不飲乳食加枳殼尤妙

當歸

白芍藥

人參

川芎 各三錢

甘草 炙

白朮 各半兩

右為末水煮麩糊為圓如麻子大三歲兒每服十圓粥飲下日三服更量大小加減冷甚加陳

皮

小半夏湯

治黃疸小便色不異欲自利腹滿而喘者不可
除熱執去必噦

半夏湯洗七次

右判散每服三錢水一盞薑十片煎七分去滓
溫服

消食圓

治常服寬中快氣消乳食正顏色

縮砂

陳皮

三稜

蓬朮

神麴

麥蘖炒

香附子

米泔浸一宿

枳殼

檳榔

烏梅各半兩

丁香二錢半

右為末麴糊圓如菘豆大食後紫蘇湯下二十
或三十圓

第六十問嘔證吐乳證

仲陽云初生下拭掠小兒口中穢惡不盡嚥入喉中
故嘔吐及多生諸病嘔者有穀者也吐者吐出乳者
也凡小兒乳哺不宜過飽若滿則溢故令嘔吐胃中
納乳如器之盛物杯椀之小不可容巨椀之物兩驟
則洩溢酒暴則厄翻理之必然乳母無知但欲速得
乳兒長大更無時度或兒睡著而更嚙乳豈有厭足

受病之源自此漸至日深導其胃氣之虛慢驚自此而得可不慎乎此候但令節乳為上甚者宜暫斷乳先此乳母可服調氣之劑兒服消食圓化乳壯胃為上議曰吐乳哕乳此證有數般有冷有熱當自辨認若吐自口角出此是乳多消化不出滿而則溢此非病也常服消乳圓異攻散當令乳母節乳為上冷吐可服觀音散香朴散快脾等藥熱吐則頭額溫有黃涎而渴小便赤少此是熱吐多是傷暑執者有此證乳母同服香薷散五苓散又有風痰吐乃是傷風不解吐乳夾痰若經久必然生風仍宜下疎風化痰藥

竹茹湯去桂五苓散青州白圓子溫膽湯又當留心調治紫霜圓亦可服

消乳圓

溫中快膈止嘔吐消乳食脍沉者傷食不化故也

香附子兩炒二甘草炙

陳皮去白各半兩

縮砂仁炒神麴炒

麥蘖炒各二兩

右為末泡雪糕圓如黍米大七歲以上菴豆大三十圓食後薑湯下

治百碎內嘔吐乳汁或大便青色

右用小婦人乳汁一盞入丁香十粒去白陳皮一錢於器內同煮二十沸去丁香陳稍熟與兒飢時服

消食圓

治小兒乳哺飲食取冷過度冷氣積於脾胃胃為水穀之海脾氣磨而消之胃氣調和則乳哺消化脾傷於冷則宿食不消此藥寬中快氣消

乳食正顏

縮砂仁

橘皮

三稜煨

蓬朮煨

神麴炒

麥蘖炒各半兩

香附子炒一兩

右為末麴糊圓葉豆大食後紫蘇湯下二十圓和劑觀音散

治小兒外感風冷內傷脾胃嘔逆吐瀉不進乳食久則漸至羸瘦大抵脾虛則瀉胃虛則吐脾胃俱虛則吐瀉不已此藥大能溫養脾胃進美飲食

石蓮肉去心

人參

神麴炒各三錢

茯苓二錢

甘草炙

木香

綿黃芪炙

白扁豆炒去皮

白朮各一錢

右劉散每服二錢水一盞棗一枚藿香三葉煎
温服

異功散 方見十七

香朴散

治嘔吐泄瀉

藿香葉洗淨

陳皮去白

厚朴薑汁製各七錢

半夏一兩湯泡七次 甘草錢一

右劉散每服三錢水一盞薑五片棗一枚同煎
如瀉甚加木香肉豆蔻

香薷散

治臟腑冷熱不調飲食不節寒暑風冷之氣所
傷致令真邪相干腸胃虛弱心腹疼痛霍亂氣
逆及吐利發熱頭疼或嘔或瀉或轉筋拘急

香薷一兩

白扁豆炒

厚朴薑製各半兩

右劉散每服三錢水一盞薑三片煎服一方加
黃連治瀉痢一方加芎芷香蘇散治霍亂吐瀉
暑月感冒傷暑之證

五苓散 方見五十二

竹茹湯

治胃受邪熱心煩喜冷嘔吐不止

葛根七錢

半夏半兩

甘草一錢

右剉散每服三錢水一盞入竹茹棗許大薑五片煎至七分去滓取清汁微冷細細服不拘時加茯苓三錢尤妙

蘇合香圓

治傳屍骨蒸諸項勞瘵順氣化痰卒暴心痛鬼魅瘡疾霍亂吐瀉赤白下痢小兒驚搐

蘇合香油五錢入安

安息香一兩另為末用無灰酒半升熬膏

丁香

青木香

沉香

萹撥

白檀香

阿子煨取

烏犀銹

硃砂研水飛

薰陸香

片腦研各五錢

麝香七錢半

右為細末用安息香膏入煉蜜和劑圓如茨實大空心用沸湯化下小兒一圓老人曰圓酒下亦可用蠟紙裹一圓彈子大用緋絹袋盛常帶之一切邪神不敢近去腦名麝香蘇合圓治一切邪神及胸膈噎塞腸中虛鳴宿食不消餘證並同

青州白圓子

治一切風痰小兒驚風

天南星

生

白附子

生

各川烏頭

生

去臍尖皮
五錢

半夏

去皮生
七兩

右用井花水浸次日早再換新水春五日夏三日秋七日冬十日曬乾為細末以糯米粉煎粥清為圓如菉豆大小兒驚風薄苦湯調下和蘇合香圓服名蘇青圓

溫膽湯

方見八十三問

紫霜圓

方見第三問

嬰童百問卷之六

嬰童百問卷之七

第六十一問熱吐

小兒秋夏伏暑多有熱吐何以別之或有黃涎頭額溫五心熱小便赤而少或唇乾而煩渴先令乳母服香薷散五苓散兒服竹茹湯五苓散熱甚者大柴胡湯去大黃服或小柴胡湯亦可熱極者可服大承氣湯其效如神玉露散亦可服

香薷散

方見六十問

五苓散

方見五十二問

竹茹湯

方見六十問

大柴胡湯

方見二十九問

大承氣湯

方見二十九問

玉露散

方見五十三問

第六十二問寒冷嘔吐噦逆

小兒寒吐者由乳母當風取涼解脫致令風冷之氣入乳令乳變敗兒若飲之則冷氣入胃故嘔吐也凡有此候乳母食後當捫去宿敗之乳急服理中湯或快氣助胃之劑次用釀乳法何以知其寒冷之證乃清涎夾乳吐出小便清而多者是也當服消乳圓異攻散香朴散茯苓半夏湯加減服二陳湯聖濟人參

散皆可服然小兒氣弱不能勝乳乳滿胃膈中氣虛弱不能傳導復遇呼吸風冷致使胃氣上逆故令嘔噦若能節其乳食仍溫胃氣則噦逆自愈矣沉香散亦可服

理中湯

方見五十三問

釀乳法

治初生嬰兒以表用藥凡有胎熱證當令乳母服藥不可求效之速治法當釀乳令兒喫漸次解之百無一失若遽以冷藥攻之必損脾胃加以嘔吐必成大患

澤瀉二兩

猪苓去黑皮

赤茯苓

天花粉各一兩半

乾生地黃二兩

山茵陳用葉

甘草各兩

右剉散每服五錢水一盞煎六分食後視去舊

乳却服

消乳圓

方見六十問

異攻散

方見十七問

香朴散

方見六十問

茯苓半夏湯

治諸嘔噦心下堅痞膈間有痰水眩悸

半夏湯泡五錢

白茯苓二兩去皮

右剉散每服三錢水一盞生薑三片煎去滓執

服不拘時

二陳湯

治痰飲為患或嘔吐惡心或頭眩心悸或中脘不快或發為寒熱或因食生冷脾胃不和

半夏湯洗七次

橘紅各五錢

白茯苓三錢

甘草一錢半炙

右剉散每服三錢水一盞薑三片烏梅一箇同

煎

人參散

治小兒臟腑冷若纔喫乳食即又吐出或因喫乳驚觸致作驚隔之狀令小兒外證面唇青白手足心熱口多清涎吐逆不住或作瀉候青黃紫白兼凍子或如鼻涕鷄子清或乳食不化並宜服之常服開胃益乳食

人參

白朮

茯苓

沉香

白芍藥

甘草

各半兩

右為細末以密器收之遇小兒有前項形證半歲一字二三歲半錢大者一錢煎棗子米飲調

下或陳紫蘇湯亦可或吐瀉并作煎丁香湯下

陳皮湯尤妙

沉香散

方見十六問

第六十三問霍亂吐瀉

冷瀉理中湯 不換金正氣散 二順散皆可服

小兒吐瀉者多有證候有傷風吐瀉身溫者有身熱有身涼有吐瀉成驚風者有夏秋傷暑吐瀉者有初生三日內吐瀉者仲陽云小兒初生三日內吐瀉壯熱不思乳食大便青白乳食不消或白色是傷乳當下之宜用白餅子後和胃用益黃散主之三日以上至十日吐瀉身溫涼不思乳食大便青白色乳食不

消此上實下虛也用益黃散加減治之又傷風吐瀉
身溫乍涼乍熱氣寬大便黃白色嘔吐乳食不消不
時咳嗽更有五臟兼見證當服入臟君臣藥先大青
膏後益黃散主之又吐瀉身熱多睡能食乳飲水不
止吐痰大便黃水皆為胃虛熱渴吐瀉也當生胃中
津液以止其渴止後用發散藥止渴多服白朮散發
散大青膏釣藤飲主之又吐瀉身涼吐沫瀉青白色
悶亂不渴哽氣長出氣睡露睛此傷風荏苒輕怯因
成吐瀉當補脾後發散補脾益黃散發散大青膏釣
藤飲夏至後吐瀉身壯熱此證或因傷熱乳食吐乳
飲子

白餅子

方見十四問

益黃散

方見第八問

大青膏

方見第八問

白朮散

方見四十八問

釣藤散

方見十六問

玉露散

方見五十三問

不消瀉深黃色玉露散主之五苓散亦佳香薷散車
前子散可選而用之若面色青黃知風熱在脾髮直
怕人眼不合是心中有毒涎更胃逆風搐可服定命

五苓散

方見五十二問

香薷散

方見六十問

車前子散

治暑月伏熱霍亂吐瀉煩悶引飲不止通利小便

白茯苓

猪苓

香薷

車前子

各等分

人參

減半

右為末每服一錢用燈心湯調下肚疼加芍藥瀉不止加石蓮肉

定命飲子

方見十六問

理中湯

方見五十三問

不換金正氣散

治山嵐瘴氣寒熱往來五膈氣噎霍亂吐瀉臍腑虛熱

厚朴

去皮薑製

藿香

去枝

陳皮

去白

半夏

湯泡

蒼朮

米泔浸

甘草

炙各等分

右剉散每服三錢水一盞生薑三片棗子二枚煎去滓食前執服

二順散

治伏熱中暑霍亂吐瀉煩悶燥渴小便赤色便

血肚疼

木楮苓

澤瀉

茯苓

白朮

甘草

桂

杏仁

去皮尖 各一兩

乾葛

半兩

右為末每服一錢新汲水調下或臍膈虛怯水煎服有熱去桂加赤芍藥

又釀乳法

治胃虛吐瀉睡中吐舌搖頭吐乳作腥氣額上汗流多驚啼哭面黃凡有此疾宜暫斷乳控令胃乾饑甚當用藥令乳母釀乳

人參

木香

藿香

沉香

陳皮

神麩

麥蘖

各等分

丁香

減半

右剉散每服四錢薑十片紫蘇十葉棗三箇煎乳母食後梘去乳汁盡方服半盞許卧少時却與兒乳

第六十四問 鬼病

巢氏云小兒被鬼病者婦人懷妊有鬼神導其胎中嫉妬小兒致令此病其狀微微下利寒熱往來毛髮鬢鬢情思不悅也千金論鬼者小兒鬼也凡婦人先

有小兒未能行其母復有胎姪兒未節乳漸覺羸瘦
毛髮稀黃時作壯熱大便不勻乃鬼病也又曰繼病
法當用紫霜圓下其鬼乳以益黃散補之令小兒斷
乳即安消乳圓異攻散亦良劑也其或他婦人有姪
而抱他人嬰孩者亦有此證同此治法有熱者龍膽
湯

紫霜圓

方見第三問

益黃散

方見第八問

消乳圓

方見六十問

異攻散

方見十七問

龍膽湯

方見第三問

第六十五問瀉痢

千金論小兒春秋月晨夕中暴冷冷氣折其四肢熱
不得泄則壯熱冷氣入胃變成下痢或赤或白日夜
無數小腹脹痛壯熱而脉洪大或急熱數者宜調中
湯下之熱便歇痢亦瘥也但壯熱不吐下者亦宜服
之又夏月秋初忽有暴寒折於盛熱無可發散客搏
肌膚發於外則為瘡發於內則為痢內外俱發則為
瘡痢皆由榮衛不和腸胃虛弱冷熱之氣乘虛客於
腸胃又因飲食所傷冷熱不調夾冷則白夾熱則赤

冷熱交攻則膿血相雜亦因沉積所作赤痢積熱白痢積冷赤白相雜冷熱之積若脾胃氣虛不能消化水穀則糟粕不聚或春間解脫風冷所傷腸虛胃弱卒被風寒所折便為下痢多矣經云春傷於風夏必飧泄故也調中湯去大黃加枳殼更痢不止則加黃連治之其暴下痢者車前子末之朱飲調下亦效暑月用五苓散車前子散燈心湯調服潑火散加減服太陽陽明合病者必下利葛根湯主之嘔者加半夏四逆散亦可服

調中湯

方見五十二問

五苓散

月前問

車前子散

方見六十三問

潑火散

治中暑煩燥發渴口乾及治血痢

青皮

去白

赤芍藥

黃連

去鬚

地榆

各等分

右為細末每服一錢冷水調下如畜熱而氣血

妄行加甘草

葛根湯

方見十六問

四逆散

治少陰病其人或欬或悸或小便不利腹中痛
或泄痢下重者

甘草

炙

枳實

炒

柴胡

芍藥

各一兩

如欬者加五味子乾薑各半兩下痢悸者加桂
半兩小便不利者加茯苓半兩泄痢下重先濃
煎薤白湯內藥末三錢七再煎一二沸溫服

右為細末米飲調下二錢日三

元有水浸丹方見七十問

第六十六問冷瀉

湯氏云此乃脾虛受冷水穀不化泄瀉注下仲陽云

小兒不能食乳瀉褐水身冷無陽也當補脾益黃散
主之古今不同當依加減法用之始為穩當冷積瀉
沒石子圓極效人參散理中湯加減服尤佳更加肉
苳菟則止來復丹不換金正氣散皆可觀音散銀白
散加減調治乃平和之劑也

益黃散

方見第八問

沒石子圓

治嬰孩先因冷瀉或作赤白痢候久而變作諸
般異色不止一端外證面或青或白唇舌乾焦
手微冷渾身溫壯肚內刺痛啼叫睡卧不安若

有是候當服

沒石子

木香

黃連

當歸

青皮

各二錢半

右五件為末阿魏一分酒半盞浸化入麵少許令勻煮糊為圓如粟米大一二歲兒服如椒目大者四五六歲兒服每服五十圓赤痢甘草湯下白痢乾薑湯下或五倍子湯下

一方用沒石子一箇白荳蔻五箇訶子肉二箇木香黃連各一錢為末粳米糊圓麻子大十五圓米飲下看六十八問杏霜圓元本在此

人參散

方見六十二問

理中湯

方見五十五問

來復丹

方見十六問

不換金正氣散

方見六十二問

觀音散

方見六十問

銀白散

方見十六問

藿香散

治小兒臟腑不調作瀉青黃黑白乳食不消羶中有凍如鷄子清兼暴瀉如水其證腹痛微熱面唇黃白若慢驚或偏墜紅腫內釣紫蘇湯調

下三五服

陳皮

藿香葉

厚朴 薑汁製

枳殼 去穢

甘草

右等分為末陳米飲調紫蘇湯下糞中有黃白凍子木瓜并白梅去塩煎湯下如痢止用棗子煎湯下大能和胃進乳食此是小兒常服之藥

朱君輔方

第六十七問熱瀉

湯氏云小兒熱瀉者大便黃而赤或有沫乃臟中有積或因乳母好飲酒或嗜熱物或生下傷濕蘊熱醫

者不明但用荳蔻訶子等藥服之如水澆石既不識其證故不辯其冷熱用藥又不得其法為能取効此證當以小便赤少口乾煩燥為驗治法當用錢氏白朮散去朮香用之五苓散去桂亦可服其熱甚者四逆散大柴胡湯去大黃服之殊驗也更用黃連圓等劑亦佳調中湯去大黃加黃連枳殼如夾熱而瀉太陽與少陽合病自下利者與黃芩湯嘔者加半夏又有挾熱瀉痢而小便秘澁赤甚者加減四順清涼飲治之即止

錢氏白朮散

方見四十八問

大柴胡湯

方見二十九問

五苓散

方見五十二問

黃連圓

方見七十九問

四逆散

方見六十五問

調中湯

方見五十二問

黃芩湯

治下利而頭痛膏滿口苦咽乾或往來寒熱而

嘔其脉浮大而弦者或脇熱而利者

黃芩

一兩半

芍藥

甘草

炙各一兩

右剉散每服三錢棗子一箇水一盞煎七分去

滓溫服嘔者加半夏一兩二錢半生薑煎

四順清涼飲

方見四十四問

第六十八問傷食瀉

湯氏云凡此瀉不宜便補先用消食藥或用紫霜圓

取其積盡然後可補經云食瀉重當取疝虛用補虛

治食瀉與香橘餅子加減觀音散調中湯散以意加

減凡傷食瀉難止亦不宜補再傷又瀉宜節飲食當

用進食圓取下食積令盡次以錢氏加減益黃散只

一服可止此乃切要治法然後異功散四君子湯調

理必取全安有腹中雷鳴下痢者生薑瀉心湯主之

如冷積釀瀉用香朴散止之白朮散以和氣調胃調
中散保安圓能止傷食瀉感應圓沉香煎三稜圓皆
可服也

紫霜圓 方見第三問

香橘餅

治止積瀉傷冷

木香 錢各一 青皮 錢各一 陳皮 二錢半

厚朴 薑汁製 神麴 麥蘗米 各半兩

右為末蜜圓為餅紫蘇米飲調下

全蝎觀音散

治止吐瀉截虛風

黃芪 人參 各二錢五分 木香

甘草 石蓮 去心 扁豆 炒

茯苓 白朮 全蝎

羌活 各一錢 防風 天麻 各二錢

右剉散薑棗煎

調中散

治傷食瀉凡此瀉不宜便補先用食藥或紫霜
圓取其積盡然後可補經云食瀉重當取痔虛
用補虛良醫明妙理何慮疾難除

人參去蘆

白茯苓

白朮

木香

乾薑炮

藿香葉

香附子炒去毛

縮砂仁

甘草炙

丁香各等分

右為末每服一錢薑棗湯調下肚痛白湯大小

以意加減

進食圓

方見四十七問

異功散

方見十七問

四君子湯

方見十六問

益黃散

方見第八問

生薑瀉心湯

治傷寒汗出解後胃中不和心下痞硬脇下有

水氣腹中雷鳴下痢者

黃芩

甘草炙

人參各一兩半

乾薑炮

黃連各半兩

半夏兩一錢湯泡

石判散每服三錢水一盞生薑三片棗一枚煎

七分去滓溫服

香朴散

方見六十一問

白朮散

方見四十八問

保安圓

治小兒瀉瀉傷食瀉

香附子淨一兩 白薑炮

青皮去穢

陳皮去白 三稜炮

莪朮炮

甘草炙各半兩 砂仁一兩

右為末麥蘖麵糊圓菜豆大每服三圓白湯下

食前溫服

沉香煎

三稜圓 二方見八十四問

杏霜圓

治小兒食積作瀉并痢證

杏仁三兩去皮尖麩炒

巴豆一兩去殼油炒焦却入杏仁同炒

黃蠟二兩酒煮綿濾

百草霜炒為末二兩油六錢炒勻

右將杏仁巴豆研極細却入草霜令勻鎔蠟和圓如菜豆大赤痢甘草湯白痢生薑湯先進三四服腹脹者十餘服效驗如神

第六十九問驚瀉

仲陽云慢驚病後或吐瀉胃虛或氣弱因驚眼白如淡墨下糞青黃此瀉合溫補至聖保命丹釣藤飲主之或乳隨糞下消乳圓進食圓主之或微渴心脾喘燥狂熱此瀉尤難治辰砂五苓散主之冷者定命飲

于治之後與溫驚朱君散睡驚太乙丹

至聖保命丹 方見十四問

釣藤飲 方見二十一問

消乳圓 方見六十問

進食圓 方見四十七問

辰砂五苓散 方見十六問

定命飲子 方見十六問

朱君散

治吐瀉後有此證并糞青者宜服之

四君子湯加 辰砂

麝香 燈心 釣藤

右為末每服一錢用白湯調下

睡驚太乙丹

常服安神鎮驚止夜啼糞青

桔梗一兩 藿香葉 白扁豆炒各半兩

白芷三錢 川芎二錢

右為末煉蜜圓如芡實大辰砂麝香為衣每服

半圓薄苛湯磨下正糞色棗湯下夜啼燈心釣

藤湯磨下加白木茯苓白芍藥尤妙

第七十問諸色痢

湯氏云小兒痢候皆因飲食無節或餐果食肉不知厭足乃脾胃尚弱不能剋化停積於臟故成痢也熱搏則赤風寒之氣入於腸胃致令津液凝滯則成白痢或夾青者有驚積或如魚腦肚中疼甚者大抵八痢但冷熱赤白藥性雖有不同治法不相遠矣又有赤白相雜者當先去其熱積瀕用大黃枳實朴消之劑以去其熱毒然後黃連黃芩黃蘗解其熱痢自止疼自定此妙法也如痢不止則用地榆孰艾等劑調理自然乎復脾虛者不可輕用罌粟澁滯等劑必致危困瀕用沒石子黃連阿膠地榆以上之方為盡善

其枳殼芍藥皆要藥也噤口痢不能食者石蓮散主之香脯散亦可冷痢如豈汁肚疼者胃風湯主之脾毒痢臟熱當服香連圓黃連香薷散去桂五苓散茅花湯當歸芍藥枳殼地榆川芎等劑先與解毒退熱却與開胃進食分利水穀寬腸定痛先與水浸丹局方敗毒散地榆飲寬腸枳殼散有熱而痢不止者三黃孰艾湯主之積滯不通者神芎圓亦可用熱甚煩燥者黃連解毒湯解之潑火散亦効

石蓮散

治小兒噤口痢噦逆不食止而復作

蓮肉 去心炒

右為末每一錢米飲調服一方用山藥為末米飲調下亦可

香脯散

治小兒刮腸下痢噤口不食閉眼合口至重者

精猪肉 一兩薄批一片

膩粉

右將肉於炭火上慢炙旋鋪膩粉炙令成脯每以少許與喫如未知喫且放鼻間自然要喫此方治胃口有毒至奇至妙

胃風湯

治大人小兒風冷乘虛入客腸胃水穀不化泄瀉注下腹脇虛滿腸鳴疼痛及腸胃濕毒下如豈汁或下瘀血日夜無度並宜服之

白芍藥

白朮

肉桂 去粗皮

人參 去蘆

當歸 去苗

川芎

茯苓 各等分

右為粗末每服二錢水一盞粟米同煎七分去滓空心熱服小兒量力加減

香連圓

治穢積瀉亦治痢

黃連同吳茱萸一兩炒去黃

木香二錢半

訶子肉半兩

右為末麵糊圓麻子大三四十圓空心米飲下

黃連香薷散方見六十一問

五苓散方見五十二問

茅花湯

治鼻衄不止吐血下血

茅花一大把水三盞煎濃汁一盞分二服即瘥無花根梗代之兼治血痢黑痢

水浸丹

治瀉痢先鋒之藥

黃丹研細一兩 巴豆大者二十五箇去皮膜研細出油或黃丹二兩半

右研勻用黃蠟半兩鎔作汁拌勻量大小旋圓水浸吞下湯使更臨病隨意用一方黃丹一兩巴豆四十九粒乳香二錢麻油二錢蠟半兩鎔汁和圓名頓止丹又冷證加木香二錢半

敗毒散

治傷寒時氣頭痛項強壯熱惡寒身體煩疼及寒壅咳嗽鼻塞聲重

人參去蘆 茯苓 甘草

前胡 去苗

芎藭

羌活 去苗

獨活 去苗

桔梗

柴胡 去蘆

枳殼 水浸去穢剉麩炒黃色各等分

右剉散每服二錢水一盞生薑薄切各少許止

瀉痢用陳倉米煎粳米亦可

地榆散

治瀉痢血痢

地榆

訶子

甘草 各等分

右為末鹽米湯調下有熱加黃芩

又方

地榆

訶子

厚朴 薑製各等分

右剉散每服二錢水一盞薑棗煎服

地榆飲

治冷執痢服痛下痢赤白頻併

地榆

甘草

芍藥

枳殼 各二錢半

右剉散每服二錢白水煎加黃連炒

又方

地榆

烏梅

栝皮

甘草

當歸 各等分

右劉散每服二錢煎服

芍藥栝皮圓

治一切惡痢窘痛膿血

芍藥

黃檗各一兩

當歸

黃連各半兩

右為末滴水圓小豆大每服一三十圓熟水下

加枳殼

寬腸枳殼散

順氣上痢

甘草六錢

枳殼去穢炒二兩四錢

右為細末每服一錢空心沸湯點服

三黃熟艾湯

治積臟腑下痢赤白及治傷寒四五日而大下

熱痢服諸藥多不止宜服之

黃芩

黃連

黃檗各七錢半

熟艾半鷄子大

右劉散每服三錢水一盞煎六分去滓溫服

神芎圓

方見二十問

黃連解毒湯

治時疾三日已汗解苦煩悶乾嘔口燥呻吟錯

語不得卧亦治熱痢

黃連 三錢

黃檗 半兩

梔子 四箇

黃芩 一兩

右剉散每服三錢水一盞煎六分去滓服

發火散

方見六十五問

湯氏異功圓

治渴止瀉消暑毒生津液

澤瀉 一兩
二錢

猪苓 去皮七
錢半

桂皮 二錢

茯苓

白朮

人參

辰砂 各半兩

右為末蜜圓如芡實大若小兒夏月心熱煩渴

引飲煎燈心竹葉湯化下渴投之即上

或夏月
出路含

化免喫
冰妙

嬰童百問卷七

七

嬰童百問卷七

長沙縣志

